



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 02-04-567/23
Sarajevo, 07.04.2023. godine

KANTONALNA UPRAVA CIVILNE ZAŠTITE
12-04-2023

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
n/r Elvedin Okerić, Predsjedavajući Skupštine

PREDMET: Odgovor na zastupničku inicijativu, dostavlja se.-

V E Z A: Vaš akt broj: 01-04-2435-33/23 od 30.03.2023. godine

Poštovani,

Na Trećoj radnoj sjednici Skupštine Kantona Sarajevo, održanoj dana 27.01.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Samir Avdić, uputio je sljedeću zastupničku inicijativu:

„iniciram prema Kantonalnoj upravi civilne zaštite da pokrene dijalog između šireg kruga subjekata koji jesu ili mogu biti dio strukture civilne zaštite u Kantonu Sarajevo. Osim valoriziranja doprinosa koji svaki od tih subjekata pojedinačno može ponuditi u svrhu poboljšanja spremnosti kantonalne i opštinskih službi civilne zaštite, predloženi dijalog/sastanak zainteresovanih subjekata trebao bi rezultirati i prijedlozima za izmjene zakonske regulative koja uređuje oblast civilne zaštite i prije svega pravilnika o nabavci materijalno-tehničkih sredstava neophodnih za kvalitetan rad službi“

ODGOVOR:

Poslove i zadatke iz svoje nadležnosti Kantonalna uprava civilne zaštite Kantona Sarajevo (u daljnjem tekstu: Uprava) obavlja u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonom o zaštiti od požara i vatrogastvu („Službene novine Federacije Bosne i Hercegovine“, broj: 64/09), Zakonom o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08 i 19/11), Zakonom o nadležnostima organa vlasti Kantona Sarajevo u oblasti zaštite od požara i vatrogastvu nesreća („Službene novine Kantona Sarajevo“, broj: 23/11), te drugim zakonima, propisima i općim aktima.

U skladu sa odredbama člana 40. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), mjere zaštite i spašavanja spadaju u osnovne elemente koji čine organizaciju civilne zaštite u Federaciji Bosne i Hercegovine, koje se organizuju i provode na svim nivoima organizacije vlasti u Federaciji Bosne i Hercegovine (na nivou Federacije BiH, kantona, grada i općine).

Odredbama člana 123. stav (3) Zakona o zaštiti i spašavanju utvrđeno je, između ostalog, da Vlada kantona, na prijedlog Kantonalne uprave civilne zaštite, odnosno općinski načelnik, na prijedlog općinske službe civilne zaštite, određuje pravna lica i udruženja građana, u kojima će se organizovati službe zaštite i spašavanja koje će djelovati na području kantona, odnosno općine.

Vežano za predmetnu inicijativu, treba istaći da je Vlada Kantona Sarajevo donijela Uredbu o organizovanju Službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20 i 22/20 - u daljnjem tekstu: Uredba) kojom se organizuju službe zaštite i spašavanja i jedinice civilne zaštite specijalizovane namjene koje će djelovati na području Kantona Sarajevo, određuju pravna lica i udruženja građana u kojima će se formirati službe zaštite i spašavanja, utvrđuje se vrsta službi zaštite i spašavanja i jedinica, kao i njihova namjena i zadaci koje će obavljati, način popune službi zaštite i spašavanja i jedinica ljudstvom i materijalno-tehničkim i drugim sredstvima i uređuju druga pitanja od značaja za organizaciju i njihov rad. Navedena Uredba precizira koje Službe zaštite i spašavanja i jedinice se formiraju, opremaju i osposobljavaju kao organizovane snage civilne zaštite, raspoložu savremenim sredstvima i opremom, te obučenim ljudstvom radi neposrednog angažovanja na izvršavanju složenijih i istovrsnih zadataka zaštite i spašavanja ljudi i materijalnih dobara od prirodnih i drugih nesreća.

Također, Službe zaštite i spašavanja i jedinice predviđene ovom Uredbom namijenjene su da djeluju na području cijelog Kantona, u svim slučajevima kada službe zaštite i spašavanja, jedinice civilne zaštite i druge organizovane snage civilne zaštite opštine na čijem području je nastala prirodna i druga nesreća, nisu dovoljne da brzo i efikasno izvrše sve zadatke na zaštiti i spašavanju ugroženih ljudi i materijalnih dobara u odnosu na poslove za koje su nadležne te službe i jedinice, a u skladu sa naredbama Štaba civilne zaštite Kantona Sarajevo.

Polazište za formiranje službi zaštite i spašavanja i jedinica iz Uredbe je Procjena ugroženosti Kantona Sarajevo od prirodnih i drugih nesreća u kojoj je utvrđeno, da je na nivou Kantona Sarajevo potrebno formirati službe zaštite i spašavanja samo u oblastima u kojima opštine zbog nepostojanja uslova, ne mogu formirati te službe ili ne mogu formirati dovoljan broj tih službi, odnosno nemaju uslove za formiranje određenih vrsta jedinica.

Činjenica da su u različitim lokalnim zajednicama različiti subjekti uključeni u strukturu civilne zaštite posljedica je Procjene ugroženosti od prirodnih i drugih nesreća općine i prijedloga općinske službe civilne zaštite za formiranjem službi zaštite i spašavanja u toj lokalnoj zajednici. S druge strane, Federacija Bosne i Hercegovine obezbjeđuje izgradnju jedinstvene organizacije zaštite i spašavanja na teritoriji Federacije, pa samim tim i izmjene zakonske regulative u tom smislu odvijaju se na federalnom nivou.

Osim naprijed navedenog, važno je istaći da Uprava u okviru svojih redovnih godišnjih aktivnosti kontinuirano inicira i održava dijalog i radne sastanke sa svim svojim službama zaštite i spašavanja, drugim ustanovama i preduzećima, te općinskim organizacijama struktura civilne zaštite a sve u cilju poboljšanja trenutnih struktura službi civilne zaštite u Kantonu Sarajevo. Na bazi svih prikupljenih podataka sa sastanaka, te dobivenih zahtjeva od strane službi zaštite i spašavanja, drugih ustanova i preduzeća i općinskih organizacija struktura civilne zaštite, a u skladu sa raspoloživim sredstvima iz posebnih naknada, Uprava uz pribavljeno mišljenje Štaba civilne zaštite Kantona Sarajevo donosi godišnji Plan korištenja sredstava posebne naknade u svrhu opremanja

službi zaštite i spašavanja i općinskih organizacija struktura civilne zaštite sa materijalno-tehničkim sredstvima. U vezi sa naprijed navedenim, Planom korištenja sredstava posebne naknade za zaštitu od prirodnih i drugih nesreća u 2022. godini i Planom o dopuni plana korištenja sredstava posebne naknade za zaštitu od prirodnih i drugih nesreća u 2022. godini, Odlukama Štaba civilne zaštite o odobravanju izdvajanja sredstava za nabavku opreme za opremanje službi zaštite i spašavanja i jedinica civilne zaštite specijalizovane namjene Kantona Sarajevo pokrenuti su postupci javne nabavke u vrijednosti od 2.728.500,00 KM.

Kada je u pitanju stanje opremljenosti službi zaštite i spašavanja općina sa materijalno-tehničkim sredstvima, ističemo da shodno Odluci o uslovima i načinu korištenja sredstava ostvarenih na osnovu posebne naknade za zaštitu od prirodnih i drugih nesreća ("Službene novine Federacije BiH", br. 4/12, 80/13 i 20/20) te Odluci o utvrđivanju kriterija za dodjelu pomoći općinama iz sredstava ostvarenih po osnovu posebne naknade za zaštitu od prirodnih i drugih nesreća („Službene novine Kantona Sarajevo“, br. 22/22), a na osnovu zahtjeva općina i raspoloživih sredstava posebne naknade, svake godine dodjeljuje se dio sredstva posebne naknade za pružanje finansijske podrške općinama u ostvarivanju njihovih zadataka zaštite i spašavanja u godišnjem planu korištenja sredstava posebne naknade kojeg donosi Kantonalna uprava civilne zaštite uz pribavljeno mišljenje Štaba civilne zaštite Kantona Sarajevo. Uprava je u 2022. godini zaključila Ugovore o dodjeli finansijske pomoći za opremanje općinskih službi zaštite i spašavanja u vrijednosti od 654.000,00 KM.

S poštovanjem,

Dostavljeno:

- Naslovu;
- a/a.



